



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

§. 10. Quidnam Operarius, cùm discedit ab infirmis, observare debeat.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

Bonum mihi, Domine, quia humiliasti me, ut discam justificationes tuas.

Non est, O Domine, servus major Domino suo, neque discipulus supra Magistrum. Si ergo te oportuit pati, & ita intrare in gloriam tuam, quanto magis me pati conveniet? nam ego quidem iuste hæc patior, tu verò, mi Domine Jesu, quid fecisti?

§. IX.

Quidnam Operarius, cum discedit ab Infirmis, observare debeat.

I. **T**ria sunt præcipuè, quæ Operarius ab ægris discessurus observare debet. Primum est, ut, quemadmodum Rituale Romanum & pleraque Ritualia Diocesana monent, prius aliquas preces in dictis Ritualibus præscriptas, & in fine libelli ponendas recitet, utpote quæ hoc ipso, quod ab Ecclesia præscriptæ sunt, singularem meritò efficaciam habituræ creduntur. Certè dolendum est, aliquos interdum Operarios diu apud Infirmos hære, nec tamen aut ipsosmet pro ipsis orare, aut ipsos ad orationem peragendam incitare, cum tamen ejusmodi orationes non parùm tum ad ædificationem adstantium, tum ad solatium & auxilium infirmorum conducere videantur.

II. Alterum est, ut, quemadmodum idem Rituale Romanum monet, consoletur Infirmos: dicens, se pro ijs in Sacrificio Missæ, & alijs precibus oraturum, curaturumque, ut alij itidem pro eis faciant, idque re ipsa præstet. Deinde non modicè hoc solatium augebit, si jubeat illos bono animo esse, horteturque, ut doctrinas à se datas, præcipuè illam, quam illis magis necessariam esse judicaverit, diligenter observent, addâtque, se eos in tutelam omnium SS. Patronorum, in finem B. Matris Virginis, & SS. Christi vulnera commendare, qui velut sexaginta fortissimi Milites lectulum ipsorum circumstant.

III. Tertium denique est, ut sacram eis aquam, simulque etiam benedictionem largiatur, dicens, prout in memorati libello præscribitur: Benedictio Dei Omnipotentis,

R. 2

Patri

Patris, & Filij, & Spiritus Sancti, descendat super te, & maneat semper. Amen. Quod si interdum videris tatis gratia placeat aliam ex subjunctis seligere: Benedicat te Deus Pater, qui te creavit: Benedicat te Deus Filius, qui te redemit: Benedicat te Spiritus Sanctus, qui justificavit te. Aut: Benedicat te Sacrosancta Trinitas, & hinc quidem charitatem & patientiam, & verò vitam æternam largiatur. Amen. Vel: Benedicat te SS. Trinitas, Pater, & Filius, & Spiritus Sanctus, nunc & in hora mortis tuæ. Amen. Vel: Dominus noster JESUS Christus te per suum sacramentum Sanguinem abluat & purificet: per dolores suos confortet: per SS. Vulnera sua protegat: per mortem suam ab æterna morte custodiat, atque ad gaudia sempiterna perducatur. Amen. Vel: Dominus noster JESUS Christus per suam sanctissimam Passionem & mortem te consoletur & roboret, & morbum & dolores tuos ad illius exemplum patienter sustinere, & ab iisdem feliciter liberari valeat. Amen. Aut: Tristis JESUS soletur te: Cruentus JESUS abluat te: Vulneratus JESUS sanet te: Infirmus JESUS confortet te: Crucifixus JESUS defendat te: Moriens JESUS liberet te, & ad vitam æternam perducatur. Amen.

§. X.

Quomodo Infirmi inducendi sint, ut disponant domui suæ.

Cum ex una parte nulla sit gravior necessitas aut periculum, quam mortis subeunda: alea, uti sæpius ostendit, altera verò parte crebra ostendat experientia, peragere laboriosius induci ad ea, quæ tali articulo conveniunt, præstantius meritò laborare summo opere debet Zelosus Operarius, ut primum compererit, mortis periculum alicui imminere, id